

تۆرك يوردى

ناشرى : تۆرك يوردى .

مديرى : محمد امين .

۲۷ ئاتون اول ۱۳۲۸

يىل ۲

صايفى ۶

و طبع ابدیله کلمکده اولان « تاریخ ادیان » ی روسیه مسلمانلرینک آروجه
نظر دقتلرینی جلب ایتکده ایدی .

مدحت افندی تولدی ، لکن حقیقی معنایله یشایوب تولدی . وطنه ،
ملتیه ، دینه بحق خدمت ایتدی . آنک بیتمز نوکنمز سعی و غیرتی هرکسه
نمونه عبرت اولمغه لایقدر . بناء علیه ، آنک جسمی آره مزدن آیرلسده اسمی
ابدیدر و دائمًا محترمدر .

آنک ضیاع ابدیسی ایچون روسیه مسلمانلری هیچ شهسز بک زیاده متاثر
ومتأسف اولمشلردر . مدحت افندی ک مخلص برشا کردی سفتیله کندی ناعمه
وروسیه مسلمانلرینک بر غزته محرری سفتیله آنلر ناعمه روح پا کنه دعا و عائله
محترمه سنه عرض تعزیت ایدرم .

اونبورغده « وقت » غزته سی محرری

فناح کسیمی



مدحت

بزده عزرائیل نه قدر قدر شناس ، طویراق نه قدر اهلپرور ! دوائر دولت
شعباتنده مواقع استحقاقک ، تمثیل ملت مجلسلرند « صندالی » تکریمک ، خواص
وعوام قضا لرند حافظه یاد و حرمتک قبول ایتمه دیکی علم و فن رجانه قارشی
مصلالر نه قدر کریم و ملتفت ، مدفیلر نه قدر مهمانواز !
بزم مملکتده ارباب لیاقتک میال و ملتفتی اولمقده ملک الموت - صدر اعظم
رشید پاشادن صوکر اکلیر .

شو فرقله که پاشا محمی سنه رفیع بر موقع استحقاق تقدیم ایدرمش ! حضرت
عزرائیل ایسه شیعدیکی حمایتپرور لرینی شرفلی بر موکب تشییددن بیله محروم
ایدیور .

اوت ، بیلیم که استانبول اهالیسی خبردار میدر؟ بر آیک حوصله جریانی
ایچنه بری فسی ، دیکری صاریقلی ایکی عصر مساعینک منظره غروب ایکی هفته

قاسله ایله سیغدی ؛ ای عثمانلیلر ، بو ایکی اولونک جنازه قافله‌سی بر آرمیه
طوبیلاسهق یکونی بیچاره حسن افندیکن تیاترو سنده قیش کیجه لری طوبیلانان
اهالی خندان عددینه بالغ اولماز .

مدحت افندیکن سیئه سائره‌سی بیلمم ؛ یالکیز بر کنه کبارخی طانیرم که
اوده اولادی نان عرفان حق طانیسان بروطنک طوبراغی اوزرنده متولد
والتنده مدفون اولمسی در . فقط ، مستریخ اولوکیز ، الله عادلر ، مرحومک
بوکناهی دنیاده جزاسز قلمادی ؛ بز - بیوک ، کوچوک ، معلوماتلی ، جاهل
هیمز - بو اولویه حیائنده سوکدک ، شفاهاً سوکدک ، تحریراً سوکدک ، ایماء
سوکدک ، صراحةً سوکدک ، او بزه بطوردینی بده قالدسین ، هیج بر باعث ،
برطالب یوقکن یکان یکان مفید اولسون ها ... طورورمی یز ، بزده اوکا فردا
فردا عدوی علیمدار اولدق ؛ منتقم حقیقی اولان الله کیملک حقنی کیمدقه قور ؛
مادامکه او بزه مفید اولمق کی بر جنایت ایشله‌دی ، بزده نارعادلی آلدق ؛
و وجدان ودهامزک بیوککی نسبتنده سوکدک ؛ بناءً علیه یشاسین عثمانلیلر وقهر
اولسون خدمتکاران علم و عرفان ...!



فرانسه‌نک لیریک شاعرلرندن « قازی میر دولوی بی » ک جنازه‌سی حضورنده
ویقتور هوغو شو سوزلری سوبله مشدی :

« بو اولو ، وظیفه‌سی تماماً کوردی ؛ آرتق براقیکیز ، شیمدی استراحت
ایتمسین ؛ آرتق بیوک انسانلری تعقیب ایدن کوچوک کینلر ... آرتق مسلک
علمی فرقلری ایله مکتب متخذ اختلافلرینک حاصل ابتدکی تباین ولوله‌لری ...
آرتق سیاست فرقلرینک - بوراده اولسون جدار جدای انعکاس اولمسی لازم
کلن - کورولتیلری ... آرتق ادبی کفرانلر واحتراسلر بو نجیب شاعرک محیط
موتنده صوصین ؛ چونکه مجادله‌لر ، حقسنزلقلر ، بهتانلر ، استرقابلر ، چونکه
عاطفی تعذیب وتهییج ایدن هرشی شو بولندیغمز آن مقدسده زائل اولور ،
چونکه اولوم ، حقیقک جلوس ایتیمی در ؛ چونکه موتک حضور صموتنده
شاعردن آنجق شرف ، انساندن آنجق روح ، کائناتدن آنجق الله موجود قالیر! »

مدحت افندیك جسمی اوکنده اسكات ایدم مدیکمز حسیات صولتمیزی
جسدی حضورنده بزده باری بوگون اهل ایدم ، واقعا نان عزیز عرفاتی
لقمه لقمه آغزمنه آتان بوأولی بزم آغزمنی مستفیدانه پوردی و واقعا او
انقام تعی سوکمله آمان حق مشر و غمزدرد ، فقط بز آرتق او حقمنی مال
اهمال ایدم و لب نگاه خیال ایله تابوتنده اولسون او ید مساعی بی او یدم !



مدحت افندی عرفان عثمانی خادملمری آرم سنده اولادی ماده و معنأ کثیر
برپدر بختیار ایدی ، یوز آلمش رادم سنده اولادی واردر : ۱۵۰ دانه کتانی ،
۶ دانه اوغلی و ۴ دانه کریمه گزینی !



احمد مدحتك اخلاقه برمزیت مغبوطه سی ده نقبه آلود اولان کیمسه ملتک
کنار انعامنه اولاد واحفادینی طفیللر وضعیتنده تسلیط و تملیق ایتمه بیشی اولدی ،
عبدالحمید ثانی دورینک رجالتندی ، سرائیک محبوب دکل مخوف و مغضوب
اولدینی ایچون حمایه ایدیلر مفسوبلرندندی ، مجلس صحیه ریاسته رئیس عنوانیه
منفی ، وایام معینه ده سرایده مسافر معزز نامیه محبوس ایدی .
اوزمان ایستسیدی ، مدحت افندی بتون اولاد واقاریله سرائیک حرم کریمه
قدر نفوذ ایدم بیلیردی ، نیته کیم سرای سابقک ابواب عواطفندن ایجری به -
وجودلری خارجه قلمق شرطیه - یالکیزید تسألری کیرن بر جوق اعظم
مأمورین کهواره پیرا جوجقلرینه ابوب او بونجافی ایله برابر لشان براتی ،
مأموریت وعدی آبرلردی ، جوجقلرینک مشیمه مادرده اعضاسی تگون ایتهدن
ذهن پدرده شورای دولت اعضاقلرینه تعیینی تحیللری تولد ایدن بر دورده
مدحت افندی ایچون بر منفی سی دکل حتی بر تهدیدی ایله الک کوچوک اوغله
الک بیوک بر منصب دواتی استحصال ایتک ایشدن دکلدی . او یله ابکن احمد مدحت
اولادینک هر برینی سعی شخصی مسدکلرینه سوق ایشدی ، حتی بر اصل نجیبینه
کوجوک بر سرمایه و بردی ، حالا بکقوزده محله بقالانی ایله مشغولدر .
حالبوکه حالا شوزمان مشروطیتده بیله دنیا به صلب عوام واسنافدن کلن

برچوق کنجلرک انظار امی بابالرینک دستگاه دا دوستدینی آشهرق صدر
اعظمق سررلرینک اطرافنده دولاشیور !

دارالشفقه نك جمعیت تدریسیه اعضاسندن علی کامی - که اسماعیل صفانك
برادری اولان برشاعر حساس در - بازوی نحیف وساعی سنی کانون اولك اون
آلتیجی بازار کیجه سی مدحت افندی نك سر مختصرینه بالین واپسین خدمتده
قوللاندی ؛ چونکه او کائنات سعی شاعر علی کامی نك قولی وکوکسی اوزرنده
صوك نفسی آللهنه تقدیم ایتدی .
وشو صورتله علم وفنک رأس متفکری شعر وادبک سینۀ حساسنده خواب
واپسینه دالمش اولدی .

صدمت جمال



احمد مدحت افندی

« انقبایله مفتخر اولدیغیم عثمانلی قومی وقتيله
بر خصلت علویه بی حائز ایدی که اوده کندیسنه
مادی ومعنوی ابراز خدمت ایدنلره تحدیث نعمتده
بولمق ایدی . حیفا که بوخصلت جیلۀ نك دخی سائر
برچوق مفارمن کی دللرده یاد تأثیری قالدی ؛
وجدانلرده بر مقدس عقیده کی برلشمش اولان قوتی
زوال بولدی . بوندن طولایی درکه بوکون خادمه
مخدوم آره سنده کی حرمت ومحبت اولکی رونقنی
کوسترمییور ... »

ابوالضیا [۱]

توفیق بك افندی نه قدرده حقلیدر . « شیخ المنقذین » ك ۱۵ ، ۲۰ - سنه اول
طوبیذینی وکوستردیکی بوملی نقصانمزی ، بوکون ملتتی سوون هر تورک آز چوق
[۱] « انتخاب افکار » ، نومرو ۹ - « بز نصل چالیشیورز ، بشقه لری نصل
چالیشیور ؟ و احمد مدحت افندی » ، « ضمیمۀ مجموعه ابوالضیا » جزو ۸۰